



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 34. tačka 6. Statuta Grada Zenica (Službene novine Grada Zenica , broj 5/15) Programa mjera za utrošak podsticajnih sredstava u oblasti poljoprivrede u 2025. godini br.02-458965/25 od 10.04.2025. godine i Sporazuma između Grada Zenica, Nevladine organizacije „Muslim Aid“ Sarajevo i Udruženja pčelara: „API-ZE“ Zenica, „Pčela“ Nemila i „EKO PČELA“ Zenica broj: 02-45-4156/25-2 zaključenog dana 01.04.2025. godine, te Aneksa Sporazuma broj 02-45-4156/25-3 zaključenog dana 04.02.2026. godine
Gradonačelnik d o n o s i

P R A V I L N I K
O UTVRĐIVANJU USLOVA, KRITERIJA I POSTUPKA ZA OSTVARIVANJE
PRAVA ZA DODJELU GRANTA ZA PČELARSKU OPREMU

I OPĆI USLOVI

Član 1.

Ovim Pravilnikom utvrđuju se uslovi, kriteriji i postupak za ostvarivanje prava na dodjelu grant sredstava za nabavku pčelarske opreme u okviru Projekta „Pčelarstvo i ruralni razvoj“ (u daljem tekstu: Projekat).

Projekat se realizira uz donatorska sredstva Nevladine organizacije Muslim Aid Association („Muslim Aid“) i Grada Zenica, planirana u Budžetu Grada za 2026. godinu, uz obavezno vlastito učešće korisnika u iznosu od 20% vrijednosti dodijeljenog granta.

Ukupan broj grantova koji će biti dodijeljeni u okviru Projekta je 21 grant. Dodjela sredstava vršit će se do utroška raspoloživih sredstava, prema rang-listi aplikata utvrđenoj na osnovu ostvarenog broja bodova, u skladu sa kriterijima propisanim Pravilnikom.

Član 2.

Podnositelj zahtjeva treba da ispunjava slijedeće opće uslove:

- da je upisan u Registar pčelara pčelinjaka FBiH u nadležnoj službi Grada Zenica,
- da je aktivan član registrovanog udruženja pčelara koje djeluje na području Grada Zenica.

Detaljni uslovi učešća, kriteriji bodovanja i potrebna dokumentacija bit će precizirani u Javnom pozivu. Pravo na dodjelu granta za pčelarsku opremu nemaju korisnici Projekta „Pčelarstvo i ruralni razvoj“ koji su u periodu 2023.-2025. godina već ostvarili pravo na donirana sredstva po istom osnovu i korisnici koji su Projektu „Smanjenje siromaštva kroz donaciju steonih junica“ u 2025. godini dobili steone junice.



**BOSNA I HERCEGOVINA
FEDERACIJA BOSNE I HERCEGOVINE
GRAD ZENICA**

II PRAVO UČEŠĆA ZA DODJELU GRANTA ZA PČELARSKU OPREMU

Član 3.

Pravo učešća u Projektu imaju pčelari koji ispunjavaju sljedeće osnovne uslove:

1. da ima prebivalište na području Grada Zenica,
2. da je u skladu sa članom 9. Pravilnika o pčelarstvu („Službene novine Federacije BiH, broj: 31/18) upisan u Registar pčelara, te u skladu sa članom 12. navedenog Pravilnika, ažurirao podatke o broju pčelinjih zajednica u 2025. godini,
3. da je aktivan član udruženja pčelara u 2026. godini,
4. da će dodijeljeni grant koristiti isključivo za nabavku opreme za pčelarstvo u skladu sa dostavljenim predračunom,
5. da imaju do 100 pčelinjih društava u svome vlasništvu.
6. da osigura sufinansiranje 20% od vrijednosti dodijeljenog granta za pčelarsku opremu,
7. da će dodijeljenu opremu zadržati u vlasništvu najmanje 3 godina od potpisivanja Ugovora.

III POSEBNI USLOVI ZA DODJELU GRANT SREDSTAVA ZA PČELARSKU OPREMU

Član 4.

U okviru ovog Javnog poziva, Muslim Aid Association u saradnji sa Gradom Zenica dodjeljuje sljedeće iznose sredstava:

Po jednom pčelaru odobrava se grant u iznosu od 1.000,00 KM, pri čemu Muslim Aid Association i Grad Zenica učestvuju u sufinansiranju u visini od 80% od vrijednosti odobrenog granta.

Podnosilac zahtjeva može dostaviti predračun za nabavku pčelarske opreme u maksimalnoj vrijednosti do 2.000,00 KM. U tom slučaju, iznos koji prelazi odobreni grant pčelar je dužan sufinansirati iz vlastitih sredstava.

Konačan iznos sufinansiranja od strane pčelara zavisi od ukupne vrijednosti predračuna, dok se iznos granta po pčelaru ne može povećavati iznad odobrenih 1.000,00 KM.

Kandidati su obavezni uz osnovnu dokumentaciju dostaviti i predračun koji je :

- izdat od strane pravnog subjekta registrovanog za obavljanje djelatnosti u BiH koja je predmet ovog Javnog poziva (prodaja pčelarske opreme) sa pečatom i potpisom na ime aplikanta,
- izdat na datum nakon objave Javnog poziva,
- jasno specificiran po stavkama i cijenama svakih pojedinačnih stavki i ukupnog iznosa,



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- ukupan iznos mora biti minimalne ukupne vrijednosti 1000,00 KM, dok može biti proizvoljne vrijednosti iznad 1000,00 KM do maksimalne vrijednosti do 2000,00 KM,
- sa rokom važenja najmanje 60 dana od dana izdavanja.

Prihvatljivi troškovi

U obzir dolazi isključivo pčelarska oprema, koja se namjenski i direktno koristi u pčelarstvu, uključujući, ali ne ograničavajući se na:

- pčelinje košnice (različitih tipova),
- vrcaljke za med,
- zaštitna pčelarska odijela,
- pčelarske maske i rukavice,
- dimilice,
- pčelarske alate (dlijeta, četke i sl.),
- posude i opremu za manipulaciju i skladištenje meda,
- ostalu specijaliziranu opremu namijenjenu pčelarstvu (pčelarske vage, transportne uređaje za košnice, uređaje za ekstrakciju meda i polena, duplikatore za med, itd)

Neprihvatljivi troškovi

Sva oprema koja se ne koristi isključivo i namjenski u pčelarstvu, bez obzira na dostavljeni predračun, smatra se neprihvatljivim troškom. Neprihvatljivim troškom smatra se i hrana, pčelinja društva, suplementi i lijekovi, kao i vosak (satne osnove) koji se koriste u pčelarstvu. Kupovina poljoprivrednih mašina i alatki (kopačica, trimera, priključaka za mašine) ovim javnim pozivom nije dozvoljena.

Neprihvatljivi troškovi su i svi oni troškovi koji cjenovno ne odgovaraju stvarnim tržišnim cijenama.

U slučaju da kandidat dostavi predračun koji sadrži neprihvatljive stavke:

- predračun će se smatrati nevažećim, i
- kandidat će biti automatski diskvalifikovan iz dalje procedure odabira korisnika.

Napomena: Komisija zadržava pravo da tokom administrativne i terenske provjere, izvrši provjeru tržišne vrijednosti opreme navedene u dostavljenim predračunima.

Provjera tržišne vrijednosti vrši se na osnovu:

važećih cjenovnika registrovanih pravnih subjekata koji se bave prodajom pčelarske opreme, ponuda najmanje dva (2) različita dobavljača, javno dostupnih tržišnih izvora (web stranice, katalogi, zvanične prodajne platforme), prethodnih nabavki realizovanih u okviru istog ili sličnih projekata.

Predračun će se smatrati neprihvatljivim ukoliko ukupna ili pojedinačna cijena opreme prelazi prosječnu tržišnu cijenu za više od 15%, bez objektivnog i dokazivog obrazloženja.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Način isplate sredstava

Za kandidate koji budu odabrani, Muslim Aid Association će izvršiti uplatu cjelokupnog iznosa predračuna direktno dobavljaču, u skladu sa dostavljenim i odobrenim predračunom.

IV. KRITERIJI ZA BODOVANJE PODNOSILACA ZAHTJEVA ZA DODJELU GRANT SREDSTAVA ZA PČELARSKU OPREMU

Član 5.

Prijave zaprimljene po ovom Javnom pozivu ocjenjivat će Komisija za evaluaciju, u skladu s principima transparentnosti, jednakog tretmana i nediskriminacije, te na osnovu jasno definisanih i provjerljivih kriterija.

A. TEHNIČKI KAPACITET – BROJ PČELINJIH ZAJEDNICA

Bodovanje se vrši prema broju pčelinjih zajednica (pčelinja društva i pčelinji rojevi) koje podnosilac zahtjeva posjeduje:

- do 20 pčelinjih zajednica - 1 bod
- 21- 40 pčelinjih zajednica - 2 boda
- 41- 70 pčelinjih zajednica - 4 boda
- 71-100 pčelinjih zajednica - 5 bodova

Članovi Udruženja koji imaju više od 100 pčelinjih zajednica ne mogu ostvariti pravo na donaciju po ovome Javnom pozivu.

Verifikacija:

Resorna služba će izvršiti provjeru u Registru pčelara da li je aplikan upisan u isti. Komisija zadržava pravo izvršiti terenski uvid i provjeru broja pčelinjih zajednica.

Konačan broj bodova utvrđuje se na osnovu stanja zatečenog na terenu.

B. SOCIO-EKONOMSKI KRITERIJI RANJIVOSTI

Bodovanje za socio-ekonomski aspekt podnosioca zahtjeva:

- podnosilac zahtjeva je nezaposlen - 4 boda
- za svakog punoljetnog nezaposlenog člana porodice evidentiranog na Birou za zapošljavanje - 1 bod
- za svakog izdržavanog člana domaćinstva (djeca, učenici, studenti, domaćice, nezaposlene osobe koje nisu na evidenciji Biroa) - 1 bod



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Starosna struktura podnosioca zahtjeva:

- starosna dob do 35 godina - 3 boda,
- starosna dob 35-45 godina - 2 boda,
- starosna dob 45-55 godina - 1 bod,
- više od 55 godina - 0 bodova
- podnosilac zahtjeva je samohrani roditelj - 3 boda
- podnosilac zahtjeva je žena - 1 bod
- podnosilac zahtjeva je invalidna osoba ili je član uže porodice s invaliditetom - 3 boda

C. PRIHOD DOMAĆINSTVA (PO ČLANU DOMAĆINSTVA)

Bodovanje se vrši prema prosječnom mjesečnom prihodu po članu domaćinstva:

- 0,00 KM – 100,00 KM - 7 bodova
- 100,01 KM – 200,00 KM - 5 bodova
- 200,01 KM – 250,00 KM - 4 boda
- 250,01 KM – 300,00 KM - 3 boda
- 300,01 KM – 350,00 KM - 2 boda
- 350,00 KM- 400,00 KM - 1 bod
- više od 400,01 KM - 0 bodova

D. SOCIJALNI I TERENSKI ASPEKT (PROCJENA KOMISIJE)

Na osnovu terenskog uvida, Komisija vrši procjenu ukupnog socijalno-ekonomskog položaja domaćinstva, uključujući:

- stambene i životne uslove,
- imovno stanje,
- stepen ranjivosti,
- održivost planiranog ulaganja.

Po ovom kriteriju moguće je ostvariti 0–10 bodova.

E. RANGIRANJE I PREDNOST U SLUČAJU ISTOG BROJA BODOVA

U slučaju da dva ili više kandidata ostvare isti ukupan broj bodova, prednost se daje prema sljedećem redoslijedu:

- mlađa osoba,
- višečlano domaćinstvo,
- domaćinstvo sa većim brojem nezaposlenih članova.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

F. OPĆE ODREDBE

Opće odredbe obuhvataju sljedeće:

- Svi podaci podliježu administrativnoj i terenskoj provjeri.
- Davanje netačnih ili lažnih podataka predstavlja osnov za diskvalifikaciju.
- Odluke Komisije su konačne i obavezujuće.

V POTREBNA DOKUMENTACIJA

Član 6.

Uz popunjen zahtjev za dodjelu grant sredstava, podnosioci zahtjeva su obavezni dostaviti potpunu, tačnu i vjerodostojnu dokumentaciju, kako slijedi:

A. Osnovna dokumentacija (obavezna za sve podnosiocje zahtjeva)

1. Ovjerena kućna lista,
2. CIPS prijava prebivališta podnosioca zahtjeva,
3. Dokaz o nezaposlenosti svih punoljetnih članova zajedničkog domaćinstva, izdat od nadležnog Biroa za zapošljavanje,
4. Za punoljetna lica sa kućne liste, koja se ne nalaze na evidenciji nezaposlenih ili u školi, fakultetu, dostavlja se kopija zdravstvene knjižice sa vidljivim pečatom nosioca osiguranja ili ovjerena izjava kojom se potvrđuje status nezaposlenosti (ovjerena kopija),
5. Potvrda škole ili fakulteta za punoljetne izdržavane članove domaćinstva (original ili ovjerena kopija),
6. Uvjerenje ili drugi dokaz o visini prihoda za svakog zaposlenog člana domaćinstva navedenog na kućnoj listi,
7. Uvjerenje o visini dohodka za registrovane proizvođače-Obrazac 2002-Specifikacija za uplatu doprinosa poduzetnika sa prebivalištem u Federaciji BiH,
8. Za penzionere: posljednji ček od penzije ili potvrda banke (original ili ovjerena kopija),
9. Ovjerena izjava kojom se korisnik obavezuje da će dobijeni start-up paket zadržati u svom vlasništvu i koristiti ga u skladu s namjenom,



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

10. Ovjerena izjava o obaveznom sufinansiranju 20% vrijednosti grant sredstava, u iznosu od 200,00 KM,
11. Ovjerena izjava da će ukoliko predračun bude veći od 1.000 KM, aplikant ostatak vrijednosti snositi sam,
12. Potvrda o članstvu u jednom od pčelarskih udruženja koje djeluju na području Grada,
13. Predračun izdat od registrovanog pravnog subjekta, na osnovu kojeg će biti izvršena isplata grant sredstava.

Izjave navedene pod rednim brojem 9, 10 i 11 podnose se na zajedničkom obrascu "IZJAVA", koji se može preuzeti u Službi za privredu i gradsku imovinu.

B. Dodatna dokumentacija (dostavlja se ukoliko je primjenjivo)

Podnosilac zahtjeva dostavlja dodatnu dokumentaciju samo ukoliko pripada jednoj od navedenih kategorija:

- Dokaz o statusu samohranog roditelja – smrtni list, pravosnažna presuda o razvodu braka ili drugi relevantan dokument kojim se dokazuje status samohranog roditelja (original ili ovjerena kopija),
- Dokaz o invaliditetu podnosioca zahtjeva i/ili člana domaćinstva (dijete, bračni drug i sl.), izdat od nadležne stručne/medicinske komisije (original ili ovjerena kopija).

C. Opće odredbe

Nepotpuna, neuredna, netačna ili neblagovremena dokumentacija neće se uzimati u razmatranje.

Komisija zadržava pravo da, po potrebi, zatraži dodatna pojašnjenja u vezi sa dostavljenom dokumentacijom.

U posebnim i opravdanim slučajevima, Komisija može omogućiti naknadnu dopunu dokumentacije, o čemu će podnosilac zahtjeva biti pismeno obaviješten.

VI IZBOR KANDIDATA

Član 7.

Grad Zenica objavljuje Javni poziv za podnošenje zahtjeva za dodjelu pčelinjih društava i pčelarske opreme putem službene web stranice Grada Zenica i lokalnih sredstava informiranja.

Javni poziv sadrži:

- uslove za učešće,
- listu potrebne dokumentacije,
- kriterije za bodovanje,
- rok za podnošenje zahtjeva.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Odabir korisnika za dodjelu pčelarskog granta vrši se isključivo na osnovu prijava pristiglih u okviru Javnog poziva, u skladu s unaprijed definisanim kriterijima.

U slučaju da se po raspisanom Javnom pozivu ne prijavi dovoljan broj prihvatljivih kandidata, Grad Zenica zadržava pravo da produži rok za podnošenje prijave, o čemu će javnost biti blagovremeno obaviještena na isti način kao i objava Javnog poziva.

Član 8.

Gradonačelnik Grada Zenica imenuje Komisiju za odabir korisnika za dodjelu pčelinjih društava i pčelarske opreme.

Komisiju čine:

- predstavnik organizacije Muslim Aid Association Sarajevo,
- dva predstavnika Grada Zenica

Komisija je nadležna za:

- pregled i administrativnu provjeru svih pristiglih prijave,
- službenu provjeru upisa u Registar pčelara
- evidentiranje podnosilaca zahtjeva koji ispunjavaju uslove iz Javnog poziva,
- provođenje terenskog uvida (uviđaja na licu mjesta) radi provjere navoda iz prijave,
- bodovanje prijave u skladu s utvrđenim kriterijima,
- utvrđivanje i objavu preliminarne liste odabranih korisnika.

Preliminarna lista odabranih korisnika objavljuje se:

- na oglasnoj ploči Grada Zenica,
- na službenoj web stranici Grada Zenica

Podnosioci prijave mogu uložiti prigovor na preliminarnu listu, uz odgovarajući dokaz, u roku od 8 (osam) dana od dana objavljivanja preliminarne liste.

Prigovor se podnosi u pisanoj formi Komisiji za rješavanje prigovora po Javnom pozivu putem Službe za privredu i gradsku imovinu. Komisiju iz prethodnog stava ovog člana formira Gradonačelnik na prijedlog Službe za privredu i gradsku imovinu. Nakon razmatranja prigovora, Komisija sačinjava konačnu listu te istu dostavlja Gradonačelniku na potpis.

Nakon okončanja postupka po prigovorima objavljuje se konačna lista odabranih korisnika putem oglasne ploče Grada Zenica i službene web stranice Grada Zenica.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Član 9.

Na osnovu konačne liste zaključit će se tripartitni ugovori između NVO Muslim Aid Association, Grada i odabranih korisnika kojim će biti regulisana međusobna prava i obaveze učesnika u ovom Projektu.

Član 10.

Pravilnik stupa na snagu danom donošenja.

Broj: 02-45-4156/25-4

Datum: 19 -02- 2026

